

Guangjisi Minzcu Bau

ganhhau: CN45-0036 B.2016 Nd.6 Ng.29 liggaueq bingjsaen nienz ndwenngux ngeihhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3230期

Fuconh Gyagiengz Haifat Huq Lijyouz Vwnzva Yauzczu Bangcoengh Minzczu Ginhci Hwngfat

富川加强瑶文化旅游产品开发 助推民族经济发展

Gaenh geij bi neix daeuj, Fuconh Yauzczu Swciyen baengh minzczu, swnghdai, ciengxndang daengj gijndei swhyenz, gyavaiq haifat huq lijyouz vwnzva Yauzczu, hawj swnghdai lijyouz fuzvuyez doidoengh minzczu ginhci youh ndei youh vaiq hwngfat.

It dwg gungganq swnghdai ciengxndang binjbaiz. Baengh Fuconh "aen yangh gyaeananz Cungguk", doed ok "Yauzczu gyaeananz vwnzva", giethab yw Yauzczu conzdungj, maeuzveh swnghdai cangqheiq ciengxndang, cangqheiq ciengxlaux

canjnieb, gungganq "gijgwn ciengxndang youq Fuconh" cangqheiq binjbaiz. Gyavaiq hwngfat Yauzyangh daegsaek swnghdai lijyouz gijgwn ndei canjbinj, dajcaux Yauzczu daegsaek gijgwn binjbaiz.

Ngeih dwg gungganq gij doxgaiq reihnaz saekloeg cangqheiq Yauzczu. Gujli minzczu giyez gyagoeng makdoengj, cazyouz bya, biek Fuconh daengj Yauzczu daegsaek doxgaiq reihnaz, sonyinx giyez youq gwnz baucang yungh Yauzczu ciengxndang vwnzva yenzsu, gaenxmaenx cengcaux

Guengjsae sanghbyauh mizmingz, Cungguk sanghbyauh mizmingz.

Sam dwg gyagiengz swnjcienz dinfwngz fwngzguh conzdungj Yauzczu. Hwnjlaeb "gizdieg swnjcienz deuqva dajsiuq Yauzczu" "gizdieg swnjcienz bauqva hung Yauzczu", dazyinx Siuqyauz, Manyauz, bauqva hung Yauzczu daengj Yauzczu vwnzva gunghyibinj fwngzguh diengzhong haeuj lijyouz ginhci, swnghcanj huq lijyouz vwnzva daegsaek minzczu.

(Dwng Vangzyi/邓黄玉 Vangz Yiyungz/黄玉荣)

SIUSIK DINJ

简讯

● Mboengqneix, Yungzsuij Myauzczu Swciyen Yungzsuij Cin Dangjveij Cwngfuj leih-yungh seizgan banhaemh, cujiz dangjyenz beksingq doenggvaq vwnzyi biujyienj, fatcuengq swlhliu, cihsiz doxdax daengj hingzik, haeuj mbanj haeuj ranz senhconz gijgwn, yw, haici daengj ancienz cihsiz, mizyauq daezsang fuengzre naengzlig vunzmbanj, baujcwng beksingq sengmingh cienzciz ancienz.

(Lungz Linzci)

● 6 nyied 24 hau, Lungz-swnG Gak Cuz Swciyen haiguh aen cawjdaez dwg "insik sengmingh hauxseng mbouj ienq-hoi" gaiqdoeg senhconz hoz-dung. Hozdung seiz, doenggvaq bouxgagnyienh senhconz gaiqdoeg yienhciegz senhgyangj, gaiqdoeg cihsiz camdap, fatcuengq senhconz swlhliu daengj hingzik, yienq vunzlai cangdauj insik sengmingh, lizgyae huqdoeg.

(Banh Cisiengz Buj Cinzing)

● Gaenh geij bi neix daeuj, Lozcwngz au hengzguh "cib bak cien" canjniebvaq bangrex sifan gunghcwngz, sizmozva cunghoz ceihleix gunghcwngz guh seizndei, doenggvaq fatcuengq dinmakitbwn mbouj au cien, bangbouj bwnh caeuq cien daengj bangcoengh fuengsik, sonyinx daengxgyoengq beksingq leihyungh najranz laengranz, diegbya diegfuz daengj, haenqrengz ndaem makitbwn, doidoengh daengx yienh makitbwn canjnieb hwngfat, mizyauq coicaenh beksingq demsou, nungzyez fungsou.

(Liu Gvanghfuz)

● 6 nyied 23 hau, gauhgauj cingzik rox le, Gunghcwngz Yauzczu Swciyen Gunghcwngz Cunghyoz hagseng Mung Dizsiuh vwnzgoh faensoq gwnzgienj ndaej 660 faen, gyoeb gyafaen ndaej 680 faen, youq Guengjsae raeuz baiz daih'it mingz. Liujcouh Si Liujcouh Gauhcungh hagseng Cinz Yisinh lijgoh faensoq gwnzgienj ndaej 703 faen, gyoeb gyafaen ndaej 708 faen, saedcaeq faensoq caeuq cungfaen cungj baiz youq Guengjsae daih'it.

(Cauh Binjiuh)

Eu Hot Fwencuengh Hawj Dangj Nyi

唱支壮歌给党听



6 nyied 25-26 hau, "rox aencingz dangj riengz dangj byaij" gihciz gihgvanh geiqniemh laebdangj 95 hopbi ciengqgo doxdax youz Swcigih Cizsuz Gihgvanh Gunghveij cawjbanh haenx youq Swcigih Cwnghez Lijdangz banh. Swcigih Minzyijveij youz fucujyin Veih Yungjhunz daiqoih cujiz aen vej neix nem cizsuz danhvei Gvangsijh Minzczu Bause, Sam Nyied Sam Cazcise gungh 50 lai boux ganbu cizgungh camgya baez doxdax neix.

Doxdax yienhciegz, gyoengq boux camgya doxdax haenx daenj buhvaq minzczu, youq gwnzdaiz yienjciengq 《Guekcoj Mbouj Lumz》 caeuq 《Fwen Gingqlaeuj》, ciengq daengz 《Fwen Gingqlaeuj》 seiz, yungh Cuengh Gun song vah ciengq, ciengq ok le gijcingz beksingq Mbanjcuengh yiedcingz gyaez hek, ciengqyienj Mbanjcuengh minzczu doxgiet doxbang, ndaej daengz yienhciegz bouxyawj bekfwnz haenndei. Ndaw doz dwg doxdax yienhciegz.

(Cau Dwzfeih)

Vanzgyangh Yawjnaek Vateimh Cingjleix Minzczu Vwnzva Yizcanj

环江重视挖掘整理民族文化遗产

Bi 2015 doxdaeuj, Vanzgyangh Mauznanzcu Swciyen Minzczuziz saeqsim dingh ok guhhong fueng'anq, laebbaenz guhhong lingjdauj siujcuj, lozsiz cienvunz cienguenj. Vih hong vateimh cingjleix minzczu vwnzva yizcanj ndaej mizyauq haiguh, bued roengz haujlai ngaenzcienz, hawj boux ndiepgyaez vwnzva minzczu doenggvaq haiguh diucaz, soucomz, haenqguh hong vateimh, soucomz caeuq cingjleix 《Fwen Mauznanzcu》

caeuq 《Beigaek Vanzgyangh》 song aen hanghmoeg neix.

Ciuq cam rox, 《Fwen Mauznanzcu》 gaenq soucomz cingjleix le 18 hot, 《Beigaek Vanzgyangh》 daengx bonj saw daihgaiq miz 10 fanh ci saw, fuk doz 100 lai fuk. Daengz seizneix, song aen hanghmoeg neix gaenq guhsat lo. Caemhcai qinggvaq aen giz neix cujiz mizgven vunz saemjdingh, neiyungz caensaed, dajsuenq bi 2016 daej yaek okbanj

fathengz.

Doenggvaq ciengjgouq, baujhoh vateimh, cingjleix swnjcienz caeuq okbanj fathengz, hawj engq lai vunz roxyiuj minzczu vwnzva yizcanj youqgaenj caeuq dijbauj, mizyauq daezsang gij yisiz gak cuz beksingq ndiepgyaez bonjdieg minzczu vwnzva, vih coglaeng vateimh soucomz gak cuz vwnzva yizcanj dwkroengz giekdaj maenhndei.

(Danz Su'myauz/谭素苗)